

## 写梅花的诗

1.  
好睡慵开莫厌迟。自怜冰脸不时宜。偶作小红桃杏色，闲雅，尚馀孤瘦雪霜姿。休把闲心随物态，何事，酒生微晕沁瑶肌。诗老不知梅格在，吟咏，更看绿叶与青枝。——苏轼《定风波·红梅》
- 2.众芳摇落独暄妍，占尽风情向小园。——林逋《山园小梅二首》
3.  
庭院深深深几许，云窗雾阁春迟。为谁憔悴损芳姿。夜来清梦好，应是发南枝。玉瘦檀轻无限恨，南楼羌管休吹。浓香吹尽有谁知。暖风迟日也，别到杏花肥。——李清照《临江仙·梅》
4.  
一片能教一断肠，可堪平砌更堆墙。飘如迁客来过岭，坠似骚人去赴湘。乱点莓苔多莫数，偶粘衣袖久犹香。东风谬掌花权柄，却忌孤高不主张。——刘克庄《落梅》
5.  
一树寒梅白玉条，迥临村路傍溪桥。不知近水花先发，疑是经冬雪未消。——张谓《早梅》
6.  
雪似梅花，梅花似雪。似和不似都奇绝。——吕本中《踏莎行·雪似梅花》
7.  
岭南江浅红梅小，小梅红浅江南娇。窥我向疏篱，篱疏向我窥。老人行即到，到即行人老。离别惜残枝，枝残惜别离。——苏轼《菩萨蛮·回

文》

8.  
欲驱残腊变春风，只有寒梅作选锋。莫把疏英轻斗雪，好藏清艳月明中。  
——张载《渚宫观梅寄康侯》

9.  
巡檐索共梅花笑，冷蕊疏枝半不禁。——杜甫《舍弟观赴蓝田取妻子到江陵，喜寄三首》

10.  
匝路亭亭艳，非时裊裊香。素娥惟与月，青女不饶霜。赠远虚盈手，伤离适断肠。为谁成早秀，不待作年芳。  
——李商隐《十一月中旬至扶风界见梅花》

11.  
泠泠水向桥东去。漠漠云归溪上住。疏风淡月有来时，流水行云无觅处。佳人独立相思苦。薄袖欺寒脩竹暮。白头空负雪边春，着意问春春不语。  
——刘镇《玉楼春·东山探梅》

12.  
三杯暖寒酒，一榻竹亭前。为爱梅花月，终宵不肯眠。  
——戴敏《观梅》

13.  
借问落梅凡几曲，从风一夜满关山。  
——高适《和王七玉门关听吹笛》

14.  
酒未开樽句未裁，寻春问腊到蓬莱。不求大士瓶中露，为乞孀娥槛外梅。入世冷挑红雪去，离尘香割紫云来。槎枒谁惜诗肩瘦，衣上犹沾佛院苔。  
——曹雪芹《访妙玉乞红梅》

15.惆怅后庭风味薄，自锄明月种梅花。  
——刘翰《种梅》

16.寒英坐销落，何用慰远客。——柳宗元《早梅》

17.

别来春半，触目柔肠断。砌下落梅如雪乱，拂了一身还满。雁来音信无凭，路遥归梦难成。离恨恰如春草，更行更远还生。——李煜《清平乐》

18.不要人夸颜色好，只留清气满乾坤。——王冕《墨梅》

19.入世冷挑红雪去，离尘香割紫云来。——曹雪芹《访妙玉乞红梅》

20.

马趁香微路远，沙笼月淡烟斜。渡波清彻映妍华。倒绿枝寒凤挂。挂凤寒枝绿倒，华妍映彻清波。渡斜烟淡月笼沙。远路微香趁马。——苏轼《西江月·咏梅》

21.欲与常娥移桂树，月中先合种梅花。——刘翰《天上月》

22.

梅雪争春未肯降，骚人搁笔费评章。梅须逊雪三分白，雪却输梅一段香。——卢梅坡《雪梅·其一》

23.

梅似雪，柳如丝。试听别语慰相思。——辛弃疾《鹧鸪天·送欧阳国瑞入吴中》

24.

却是梅花无世态，隔墙分送一枝春。——戴叔伦《旅次寄湖南张郎中》

25.

万木冻欲折，孤根暖独回。前村深雪里，昨夜一枝开。风递幽香出，禽窥素艳来。明年如应律，先发映春台。——齐己《早梅》

26.

万籁寂无声。衾铁稜稜近五更。香断灯昏吟未稳，凄清。只有霜华伴月明。应是夜寒凝。恼得梅花睡不成。我念梅花花念我，关情。起看清冰满玉瓶。——黄升《南乡子·冬夜》

27.

茅舍疏篱。半飘残雪，斜卧低枝。可更相宜，烟笼修竹，月在寒溪。宁宁伫立移时。判瘦损、无妨为伊。谁赋才情，画成幽思，写入新诗。——杨无咎《柳梢青·茅舍疏篱》

28.

游子春衫已试单，桃花飞尽野梅酸。——吴涛《绝句·游子春衫已试单》

29.

耐得人间雪与霜，百花头上尔先香。清风自有神仙骨，冷艳偏宜到玉堂。——俞樾内子《梅花诗》

30.

雨余春涧水争分，野雉双飞过古坟。眼见人家住深坞，梅花绕屋不开门。——释善住《阳山道中》

31.

黄鹤楼中吹玉笛，江城五月落梅花。——李白《与史郎中钦听黄鹤楼上吹笛/题北榭碑》

32.梅雪争春未肯降，骚人搁笔费评章。——卢梅坡《雪梅》

33.

迎春故早发，独自不疑寒。畏落众花后，无人别意看。——谢夔《早梅》

34.

雪里已知春信至，寒梅点缀琼枝腻，香脸半开娇旖旎，当庭际，玉人浴出新妆洗。造化可能偏有意，故教明月玲珑地。共赏金尊沉绿蚁，莫辞

醉，此花不与群花比。——李清照《渔家傲》

35.

衰病难禁月色寒，何人更倚雪中栏。少年妙事今浑忘，折得梅花涉阁看。  
——舒岳祥《冬夜雪月交光忆少年见此烧烛观梅为之怅绝》

36.雪里温柔，水边明秀，不借春工力。——辛弃疾《念奴娇·梅》

37.

一枝开异域，独秀殿群芳。梳额黄添晕，檀心蜜作香。折应伤岁暮，力欲挽春阳。待共梅花笑，先期耐雪霜。——查慎行《腊梅和中丞公韵》

38.

昨夜西风吹折千林梢，渡口小艇滚入沙滩坳。野桥古梅独卧寒屋角，疏影横斜暗上书窗敲。半枯半活几个撮蓓蕾，欲开未开数点含香苞。纵使画工奇妙也缩手，我爱清香故把新诗嘲。——明本《九字梅花咏》

39.

殷勤移植地，曲槛小栏边。共约重芳日，还忧不盛妍。阻风开步障，乘月溉寒泉。谁料花前后，蛾眉却不全。失却烟花主，东君自不知。清香更何用，犹发去年枝。——李煜《梅花》

40.

山边幽谷水边村，曾被疏花断客魂。犹恨东风无意思，更吹烟雨暗黄昏。  
——张嶠《墨梅》

41.

定定住天涯，依依向物华。寒梅最堪恨，常作去年花。——李商隐《忆梅》

42.瀑布空山月，梅花破屋春。——张羽《诗穷》

43.卧听瀑布分僧榻，醉插梅花上酒楼。——释行海《赠王渔山》

44.别是人间冰雪魂，肌肤绰约清如玉。——杨基《宜秋轩梅》

45.

风落松钗满涧桥，野蜂移蜜上枯条。道人参得山中语，不是涂黄一样娇。  
——张镃《龙井山主送腊梅》

本文链接：<https://duanjuziku.com/duanjuzi/l3mlwxhbsu.html>